

九江府志卷五十一

雜類志

仙釋

瑩墓

祥異

軼事

潯之山莫大於匡廬而脈盡於吳嶂姑塘之一壑一邱不類而類者也潯之水莫大於江流而支滙夫甘棠白水之一湖一港又不類而類者也志傳後以雜類終義如斯夫竊有感焉古柴桑地實神靈之奧區形家之吉壤瑞應徵諸年穀鄉談時集街衢蓋幸際昇平已二百餘年矣自粵寇至下偽令如牛毛始析木迄元枵凡一周星居是邦也欲從容行墨間烏可得乎今乃獲徵文考獻細大不捐

九江府志

卷五十一

雜類

仙釋

一

後之覽於斯文者窟開雲霧疑有六朝僧焉墓拜濂溪欽式一抔土焉難星過而舟更如遇顛仙之告焉尋陽考而記作如續蹠醢之遺焉夫惟

皇朝武功克纘斯郡國文事日新今日執簡而書兼收並蓄是卽昇平無事景象也山不辭土壤水不擇細流是編文相雜故成庸可忽諸志雜類

仙釋

周

方輔先生

周武王時人與李昉跨白驢入山煉丹  
得道仙去惟廬存故名廬山見九微志

匡

俗

字君孝一曰子希師老聃得久視之道結茅虎溪修煉

諸仙以對先生其一也因召之不應又二百年威烈王以安車迎之使未至先二日白日輕舉使者至惟得其草廬焉人因呼為匡山又曰匡阜兄弟七人皆有道術漢武帝元封五年南巡射蛟潯陽封為南極大明公稱廬君有廣福觀以專祀先生者在香谷西一里許

按惠遠記俗生殷周之際結廬山上因名廬山而通志謂俗父平野王當秦末同吳芮佐漢定天下而亡封俗於鄴

陽及武帝南巡封太極大明公竟以為漢人不知何所本也豫章記作匡續一名匡裕字君平

赤松子

周覽名勝愛石沃山屹立湖中超然塵表登憩最久至今湖得佳名濱湖之野亦號赤松云

漢

劉越

嘗邀康阜過其所居云山陰有石高三尺者吾宅也扣之即見我焉如其言往扣之果有二童子引見越越冠

九江府志

卷五十一

雜類

仙釋

一一

元玉冠朱紱劍佩飲阜以玉酒三爵延生湯一啜阜心知其異欲留居之未出口越曰子姑去他日來居未晚也乃出石在太平宮殿階下因號其石曰劉越洞天今不知所在

王長趙昇

廬山乃第六十九福地王長趙昇二真人所理也見九微志

九仙

兄弟九人不知何許人寓德安博山之巔丹成同日昇舉今所居處名九仙臺

梅福

棄妻子去九江今傳為仙有見福於會稽者變姓名為吳市門卒或云吳門乃洪州今吳門鎮去九江不遠矣

王喬

漢葉縣令隱德安崑崙山巔朝斗丹成仙去遺有石觀後有月窟東西二湖大紅牡丹花至今尚存是喬手植

劉德本

鄂州人避亂廬山見鹿裘道者與行至五老峯下深澗中有大石門正關一老扶策倚門立見德本即邀與俱

入乃大石洞也洞中別有天地風日和煦花樹芳蔚異人境行二三里有大宮殿金碧煥爛呵衛嚴整榜曰紫元景之門老人曰此九天使者所治也德本欲求見使者紫光老人曰不可因復出門逡巡失老人及道者所在

劉綱 漢時仙官謫居蓮花峯下奉章上帝救德化縣令張某

丁元貞 遊康王谷谷有王莽時銅馬久而為妖土人廟祀之其妖愈熾元貞得三洞法能役鬼神符勅銅馬徙廟于澗西其妖乃息

張施深 隱棲谷中學老子術武帝聞而嘉之詔以其間為康王觀隨道士張允真云後據蘄絕前俯泓渟神龍弄珠光照紺髮後兵燬復建宋熙寧中詔以為景德觀建炎中復焚燬其後不知何時乃移觀于白龍灣

老嫗 不知所從來居康王觀時常櫻祭餘飼虎人畏惡之輒避去已而復來

度索君 真仙也昔有人見一著白布單衣者冠高冠似魚頭度索君曰昔廬山共食白李未久已三千年日月易得使人悵然去後度索君曰此南海君也

黃洞源 桃源洞人善道術劾治鬼神號三洞法師有童子瞿柏庭以造異境得仙洞源慕之乃行求靈域得紫霄峯下

九江府志

卷五十一

雜類

仙釋

石壇築菴居之又遷茅山其徒蕭冷然忽見柏庭問黃尊師無恙乎歸語洞源源曰吾且去矣翌午遂逝洞今不知處

李道沖 潯陽人不茹葷酒傳法錄于異人結菴紫霄峯而講莊老忽語人吾遠遊不返衆未悟競沮留之及午而逝

李鎮 居雞籠山山上有石雞冠距如生鎮常玩之一日雞忽無故自毀裂鎮曰雞既如此吾何以全果卒

晉 吳猛 隱山得道者也廬山上有三石梁長數十丈廣不盈尺杳然無底猛弟子登山過此梁見一翁坐桂樹下以玉

杯承甘露漿與猛又至一處見數人為猛設玉膏猛弟子竊一寶欲以來示世人梁即化如指猛使送寶還手牽弟子令閉眼相引而過其山川明淨風澤清

楊義 得道與紫微夫人諸仙遊諸仙各授學道口訣并說羣仙事跡楊錄其書司馬朗得之常有雷電光怪晉人陸

修靜又得之遂成道

陸修靜

字元德吳興人簡寂觀道士也宋大明五年始來居廬山明帝時召至建業立崇虛館以居之而會儒釋之士

講道華嚴寺修靜固求還山不許頃之封丹元真人修靜行常攜一布囊死之日其布囊乃懸于廬山舊隱之樹杪焉

葛洪

咸甯中遊湖口武山有壇曰葛仙壇丹竈藥池猶存德安有葛洪山亦云洪修道處

董奉

字君異侯官人有道術住蓮花峯下為人治病不取錢病愈者使栽杏數年計得十餘萬株鬱然成林乃使百

禽羣獸遊戲其下竟不生草常如芸治後杏子大熟于林作一草倉榜示人曰欲買杏者不須報奉但將穀一器易杏一

器去人有置穀少而取杏多者虎輒吼而逐之奉得粟盡以散之貧者嘗大旱縣令于彥謁奉求致雨奉仰視其屋曰貧

家屋皆見天何可得雨耶于令即身率吏士為起屋屋成欲取水沃泥圻壁奉曰毋庸日暮自當雨夜果兩奉在人間百

年其顏色常如三十許人

唐

九江府志

卷五十一

雜類

仙釋

四

郝法遵

廬山道士居簡寂觀道行精確獨力檢校歷年無徒忽夢元中法師謂之曰汝無人力甚見勤勞今有二童子

所恨年小耳既覺話于衆出山過王氏家有孩子年方一晬見法遵抱其足不肯捨遵去晝夜啼號不息遵復至則欣然

後數年父母即捨為童子又一小兒姓劉眼有五色光父母疑其怪異因炙眼尾其光遂絕已四五歲亦捨在觀中相次

入道果符元中夢授之語

呂巖

字洞賓蒲之永樂人也以四月生號純陽子咸通中舉進士不第去遊廬山遇五龍君傳劍術又得長生之訣

喜遨遊塵市中隱顯叵測常書蔣暉之門曰宴罷高歌海上山月瓢盛露浴金丹夜深鶴透秋雲碧萬里西風一劍寒巖

晚參黃龍期月頓契云

按自敘云余唐宗人名瓊字伯玉配金氏生子四甘美豐克少有術士相余眉稜目潤鼻聳項長面修而潤鬚茂

而疎真儒者氣象但山根一痣當尅妻太陰下一痣當尅子獨喜鶴行龜聲自丹田中出是乃遇仙得仙非凡庸

之比後十歲能文章五十始登第授官而易治中遭國難棄子携妻卜築于洞時維兩口更姓曰呂因在山下易名

曰巖時處洞中因字曰洞賓妻扁其號曰純陽子與今世所傳稍異附錄備覽

張璟 乾寧中廬山書生以所業之桂州欲謁連帥張相至衡州大噪灘損船上岸寢于江廟神延坐從容云有王立

仁者罪令誅族吾為其分理奏于嶽帝無人作奏璟為草之既奏蒙神喜以白金餅為贈

茅安道 廬山道士能書符役鬼幻化無端曾授二弟子以隱形洞視之術曰資爾學道即不得恣情而術其術也苟違

吾教能令術窮二子至潤州謁韓晉公滉弛慢縱誕韓大怒縛之二子行其術果不驗韓欲痛絕其源詰問術師姓名二

子方欲陳術而安道已在門矣龐眉美髯韓不覺離席迎之安道曰二子愚駿干冒尊嚴請詰而愧之然後行刑韓致二

子階下械繫甚堅安道就取硯水噴之二子化為雙黑鼠自變巨鳶攫二鼠冲飛而去韓驚駭良久

崔道人 久居廬山積香數斛一日盡發命弟子置五老峯下徐焚之默坐其上煙甚不相辨忽躍起已在峯頂上

九江府志 卷五十一 雜類 仙釋 五

劉混成 白鶴觀道士也觀有混成煉丹井搗藥臼手種杉猶存杉本大丈餘然歲久中空上折孫枝附生亦數尺圍矣

熊得融 荊州人于九疑山遇異人得道隱廬山咸通二年坐逝

許堅 字介石布裘道者唐末居簡寂觀死金陵久矣宋景德中兵部侍郎陳靖遊廬阜堅出謁干洪井山談甚洽靖

後至金陵乃聞其已死焉

李蔡二女真 蔡名尋真侍郎蔡某女李名騰空宰相李林甫女幼並超異生富貴不染貞元中同入廬山蔡居詠

貞洞天九疊屏南李居九疊屏北並以丹藥符籙救人疾苦三元八節會于詠真洞相師資九江守許渾以狀聞昭德皇

后賜金帛闢土田已而蛻去門人收簪簡瘞于舊居鄉俗歲時祀之不絕後詔以詠真洞為尋貞觀騰空所居為昭德觀

薛肇 不知何許人與崔宇讀書廬山宇尋擢第授東畿尉經三鄉驛忽逢肇敘舊薛曰貧居不遠能左顧否宇從之

初入一小徑甚荒涼更三里間閣森沈薛先入有數十人擁接升殿乃召崔開筵女樂數十餘輩見一女彈箏篴上有

十字天際識歸舟雲中辨江樹崔默記之薛問有所悅否  
以筇篾者對薛曰他日與君及明送之官路別去崔至官求  
婚得柳氏女嘗疑曾識而不記其處命取筇篾理曲見十字  
詩在焉問其故云其時染疾夢中見一使人追云西城大仙  
陳溪薛君有客五百里內解音聲處女盡追可四十餘人即  
隨去遙見薛與崔少府在殿同飲覺來疾已除却各語其事  
方知薛君已仙

蘇

耽

訪道過羊腸馬脊門厭其險峻愛蘇山坦迤  
修煉甚久已得冲舉蘇山之名以耽著也

康道人

修道於清湓山巔一日驅鹿至武甯魯溪洞  
見一木倒仆洞口叱之化為龍康乘而去

葉法喜

有道術明皇嘗異之贈以詩曰清溪道士人不識上天  
下天鶴一隻洞門深鎖白雲間滴露研珠點周易彭澤

東龕嶺葉家  
山皆其裔也

南唐

九江府志

卷五十一

雜類

仙釋

六

譚紫霄

泉州人寓廬山棲隱洞南唐主寵之出入金門號金門  
羽客廬山僧于溪澗泐亭苦大石橫置累工不能平紫

霄往見曰斯固易也因以指  
捻訣其石應手如粉

保宗

不知何許人及笄許聘矣忽有悟去為道士入廬山崇  
善觀却位煉形南唐元宗聞之詔赴闕引入禁中見諸

嬪御賜紫衣金錢諸嬪御競施服玩珍珠彩繡數逾萬詔  
新其宇尚書郎韓熙載撰記賜額曰真風觀又詔臣下作詩  
送之保宗慕蔡尋貞李騰空之為人亦能以丹藥符籙救人  
疾苦暇則至屏風疊南北瞻禮二祠保宗老而有少容既歿  
貌如生舉棺甚  
輕蓋尸解去

宋

陳搏

字圖南號希夷子亳州人也嘗遊廬山有匡濟畧其踪  
跡常在京洛關輔間後隱華山雲臺觀遇五龍君傳睡

法睡輒數十日  
不起終于華山

錢

朗

字內光南昌人以五經及第開成中為安南副都護

精神如四十許人吳越王錢鏐迎至錢塘師之逼傳其術他日忽曰適為上所召須去俄氣絕顏色如生異香滿室

洪志

在青牛谷通經史善布筭遇異人授六甲蕩魔祛疾之術隱居廬山常乘青牛故谷稱青牛云

劉虛谷

著丹還篇能以智慧性斷煩惱朱文公常與往來談易論還丹之旨後步月登青牛洞絕頂端坐而逝焉

黃知微

字明道世為江州人得道伴狂人謂之黃瘋子一衲百結寒暑弗易行嘗攜兩囊隨所得雜投其中而不臭名

曰錦香又善噫氣噫輒經時不絕響徹雲漢素不攻詩而多佳句如溪雲拂地送殘雨谷鳥向人啼落花萬里碧雲開暮

色一條銀漢在天涯之類皆可諷詠死瘞宮側後從蜀寄書山中開函皆喪亂後所在道士姓名也

胡用琮

太平宮道士遇道流于雲堂留之飲酒既醉道流以刀剗土瀝酒漱津和之成墨以授用琮投之兒上鏗然有

聲翌日視之紫磨金也其所剗土處有泉出焉甘而不竭故謂其堂曰授墨堂泉曰墨仙泉用琮初以墨研酒飲其半宿

九江府志

卷五十一

雜類

仙釋

七

疾頓愈由是厭人間事學道年七十顏如童子

楊權

字正夫盱江人聞張真牧有道行往從之得授九返之將別真牧囑曰逢江莫行至泥則止舟次九江泥沱

嘴始悟津結茅日施符水時城中大疫飲其水者輒效一日語其徒曰吾于教門開化之事畧備爾等各思初始之不

易勇猛進道吾歸矣留頌而逝咸淳間封通慧孚慧真人

皇甫坦

字履道臨淄人避地入蜀居峨眉山嘗暮行風雪中聞有呼之者顧見一道人卧小菴中留與抵足睡坦自覺

熱氣自兩足入蒸蒸浹體甚和適比曉道人告曰他日可訪我于靈泉觀坦後往訪始知為妙通真人朱桃椎也後復會

酒肆中盡得坎離虛實之旨內外二丹之秘常宴坐不寐其兩足外踝皆平偃頂有珠光紹興中顯仁太后患目翳國醫

不能瘳夢黃衣道士髯而長耳自言能治高宗詔有司物色之臨安守廉得以聞詔入見慈甯殿坦為噓呵布氣翳即脫

目瞭然矣又詔仙韶甄孃亦愈辭還山賜資甚厚皆不受詔築室廬阜往召賜御書清虛菴額繪坦像贊之不

白玉蟾

瓊州人姓葛名長庚嘗任俠殺人亡命之武夷事陳泥九為道士自稱靈童景洞天羽人善幻好詭誕之行

往來廬山揮灑文墨信筆而成山南北諸佳勝並有題咏而太平宮為多紹定己未冬解化賜號養素真人

劉伯五

宋時人修真于浩山山有煉丹井昇仙臺

仙女

姓名時代皆不可攷或曰石山觀其修真道場也嘗禮斗于觀南之巔東西二池為養鹿遺跡

元

洪真人

鄱陽人洪皓之後至正間遊武當山傳法于異人元末至彭澤南嶺結菴講說莊老及修煉之法時立壇仗劍

演法或驅雷致雨以濟歲旱數年坐化自令以缸覆其屍三日開視惟冠服劍履存焉鄉人立廟祀之

李武

徽州歙縣人客遊江湖偶遇異人授以仙術施藥愈病屢驅早魃後于邑之鳳山嶺結茅為廬精修數年道成

于酷暑暴卒曝屍日中旬餘不朽牧童異之投以石礫輒有銅錢觸石而返于是羣兒競投以石大者得金小者得錢石

九江府志

卷五十一

雜類

仙釋

八

聚成塚金錢遂絕後有見其在逍遙山者啓視其塚衣履存焉里人益異建廟塚旁凡祈求大驗號為真仙亦曰大仙

明

周顛

建昌人幼患顛疾乞食南昌市明太祖取南昌顛仙謁道旁帝問何言曰告太平帝歸建業顛仙隨至奇言異

行不具述帝親征偽漢擊顛仙行至皖無風問之曰只管行只管有從之風果大作揚帆直達小孤見馬當江豚戲水曰

水怪見損人多帝惡其言使人將至江邊溺之不得已而整衣裝若遠行之狀至帝前鞠躬舒項曰你殺之帝曰殺汝何

為且縱汝行遂行不知所之後明祖患病遣赤脚僧進藥

桂心淵

隱居飛雲洞人謂之桂瘋子後尸解去

孫化南

不知何許人天啓間愛廬山詠真洞幽秀作墓園其側垂成投身以入而封之留一竇朝夕誦皇經禮北斗其

術以清浮自然為宗坐圓三載一夕吐三昧火鬚眉皆焦遂蛻去

以上皆仙



晉

慧遠

姓賈雁門樓煩人太元間偕慧持汎潯陽見廬山愛之以杖著地曰有泉當住忽泉迸出乃誅茆為菴曰龍泉精舍

時慧永

州將桓伊驚其神異表立寺焉名其殿曰神運時與

劉遺民等凡十八人結白蓮社以書招陶淵明答曰弟子性嗜酒許飲即往矣遠許之遂造焉勉以入社攢眉而去謝靈

運恃才傲物見肅然心

服入社遠拒而不納

慧持

遠之弟也沖默有遠量長八尺精究經論為廬阜三千僧冠後入蜀住龍淵寺旋又他適不知所終宋宣和二年嘉

州奏風雷折古木中有定僧鬚髮蔽體爪甲繞身事聞詔與

至京師有西天總持以金磬覺之問其世族曰遠法師弟慧

持也因遊峨眉至此問欲何歸曰陳留

古樹中詔以禮送之因圖形製讚云

慧永

姓繁河內人居西林好經典善講說蔬布優游年八十三而逝道業不下遠公將軍何無忌常與二宿集于虎溪遠

九江府志

卷五十一

雜類仙釋

九

既久馳名望從徒百餘雍肅有序永衲衣半脛荷錫林下飄然而來無忌謂眾曰清散之風多于遠矣

佛馱耶舍

鬍而善毘婆沙時稱赤髭毘婆沙宏始元年譯四分

律并長阿舍等經典施絹萬匹不受南入廬山與釋慧遠會蓮社舉鐵如意示慧遠不悟即拂衣去

辟蛇尊者

慧遠弟子不知所從來以善辟蛇名

伽提婆

本姓瞿曇闍賓人學道三藏尤善阿毘曇心洞其纖旨慧遠法師妙典虛心側席請入廬山提婆乃于般

若臺手執笏文宣晉語去華存實務盡義本今之傳蓋其文也

佛馱跋陀羅

迦羅衛人甘露梵王之苗裔也秦沙門智嚴德觀等入長安講讚大乘咸覲元奧忽爾西望曰適

見東國五舶俱來眾疑虛誕遂出之廬山未久五舶俱至服通即持佛舍利五粒建塔于寺北上至今塔存

魏氏鉅鹿人幼從竺法汰出家初依廬山常以入道之要為本乃與僧叡慧嚴慧觀等遊學長安從羅什受業

常歎曰自經典東流譯人重阻多滯權文鮮通圓義若忘筌  
得魚始可與言道矣乃立善不受報及頓悟成佛義著二諦  
論佛性常有論師入虎邱山聚石為徒講涅槃經羣石皆為  
點頭既而辭眾復投廬山預蓮社久之還都宋文帝大會沙  
門筵食良久眾疑過中帝曰始可中耳生乃曰日麗天言  
始中何得非中遂舉箸而食一眾從之莫不歎其機辯元嘉  
十一年于廬山升座說法將  
畢隱几而化葬于廬山西阜

**僧叡**

冀州人遊歷天竺諸國還至關中從羅什諮稟經義久之  
來廬山依遠公既適京師止烏衣寺講說眾經彭城王義

康以貂裘奉謝靈運常以經中  
字音求證因為著十四音訓

**曇順**

黃龍人幼出家承訓羅什講譯羣經妙盡色空無相之旨  
後來廬山同修業甯蠻校尉劉遵孝于江陵立寺要師

經始盛宏念  
佛三昧之道

**通敬**

瑯琊王氏祖凝之從遠公出家年十七博通經論每歎戒  
律終身難全願淨六根但稟一戒遠公許之篤志念佛蚤

九江府志

卷五十一

雜類

仙釋

十

衣弗替遠公歸  
寂乃入若耶山

**曇恒**

河東人童儒依遠公出家年十三通貫內  
外典籍德行清孤常有羣鹿馴遠座隅

**道昞**

穎川人陳氏幼為遠公弟子該通經籍兼明莊老義  
熙十四年豫章太守王虔入山謁敬請紹遠公之席

**曇洗**

廣陵人幼從遠公出家註維摩經行于世能別識鳥獸毛  
色鈍銳之性洞曉草木枝幹甘苦之味人知其有密證云

**曇翼**

餘人初入廬山依遠公後往關  
中見羅什東遷會稽入秦望山

**僧濟**

太和元年入廬山從遠公受學遠每謂曰共吾宏佛法者  
爾其人乎感疾遠遺一燭濟執燭停想覩無量壽佛接置

於掌自省四  
大了無疾苦

**曇邕**

姓楊關中人投廬山事遠公志尚宏法不憚疲苦後為遠  
入關致書羅什專對不辱于山西南立茅宇弟子曇果夢

山神求戒果曰師在可往諮受後少時邕見一人著單衣  
風端雅從者二十餘人請受五戒為法神以外國箸

拜辭別  
忽不見

**超** 素持戒範若護浮囊性惟矢直言不面從及乎遊方選勝  
至廬峯便有休息意嘗禮華嚴經一字拜之計已一徧乃  
燒一指為燈供養慶禮經周次禮法華經同前身膚內隱  
出舍利磊落圓瑩或有求者坐席行地捨之無筭廬阜遊者  
致禮嗟  
歎而已

宋

**慧安**

學通經義以專戒見稱誦經三十餘萬言止廬山凌雲寺  
學徒雲聚常捉一杖云是西域僧所施杖光色炯徹頗有

**僧瑜**

香氣上有梵書人莫能識後入關羅什見大驚曰此杖乃在  
此間耶因譯其字安後以杖覘外國僧波沙那那賈還西域  
姓周餘杭人元嘉中與同學曇温慧光等于廬山共建精  
舍名曰招隱瑜常以為結果三塗情形故也情將盡矣形

亦宜捐孝建二年集薪為龕是日密雨瑜乃誓曰所志克明  
天當清朗言已雲景明霽便入新龕中誦藥王品火燄交至

九江府志

卷五十一

雜類仙釋

十一

猶合掌不散道俗知者奔赴瀾山卒後旬有四日瑜房生  
雙桐根識者以為娑羅寶樹因號為雙桐沙門

**慧慶**

廣陵人出家止廬山寺學道經律清潔有戒行誦法華十  
地思益維摩每夜吟諷常聞閻中有彈指讚歎之聲嘗于

小雷遇風波船將覆沒慶惟誦經不輟覺船在浪中如有人  
牽之倏忽至岸于是篤勵彌勤宋元嘉末卒

**慧恭**

豐城人與僧光慧堪慧蘭同志為學光等學力不逮恭而  
于淨土則繫想過之蘭謂恭曰君雖力學博聞豈不知經

云如聾奏音樂悅彼不自聞恭曰學不可已孰能未死昧時  
如癡哉後七年蘭等先逝去又五年恭病且篤曰大道沿洄  
何時可止死生去來吾何歸哉于是叩頭雨泣誓安心養念  
不少間忽見無量壽佛以金臺前迎恭乘其上見蘭等于臺

上光明中告之曰長老受生已居上品但恨五濁  
淹留相依之耳乃于是日欣然奮迅告眾而滅

**法安**

遠公弟子妙善講說兼習禪業律身持戒尤精義熙中  
陽邑社有虎安居神廟樹下害人百數安乃止樹下禪坐須

與虎負人至見安驚喜安乃為說法授戒而去明旦居民  
謂是神人改神廟立寺請居之左右田園捨為寺業嘗

畫像須銅青慮不可致忽夢一人跪牀前云此下有銅鐘寤掘之果得二鐘取青成像而以銅助遠公鑄佛後不知所終

**闕公則** 入廬山白蓮社既逝有同社人于洛陽白馬寺為公則修忌祭忽一時林木殿宇皆作金色空中有聲曰我是闕公則祈生極樂國今已得生矣言訖無所見

梁

**道珍**

梁初住廬山夢有人乘船向阿彌陀國珍欲隨之去船人云未作淨土業謂須經營浴并誦阿彌陀經既覺即如夢所作久之于房中山池降白銀臺珍記其事置經函中及卒之夕半山以上如列數千炬火近村人悉見之旦就山尋訪乃云珍卒後因檢經中始知往生事

**法歸**

廬山峯嶺寺僧也本住襄陽漢陰偶夢有神期往廬山遊歷既覺尋夢而往至廬山樹石寺墟宛如前夢依而結宇晨夕繼業遂終山舍

九江府志

卷五十一

雜類

十一

**慧景**

清卓出類不交道俗及卒後乃返握兩指人有將者雖伸還屈卒之晨山峯松樹竝雨甘露今名甘露峯是也

**道融**

梁初人住東林寺篤志沈博遊化江陵晚還廬山獨宿逆旅時天雨雪中夜始眠見有鬼兵甚眾中有一鬼將帶甲挾刃據羌牀坐乃對融厲色揚聲曰君何謂鬼神無靈耶速曳下地融默稱觀世音聲未絕即見所住牀後有一天將可長丈餘著黃皮袴褶手提金剛杆槌之鬼便驚散胄之屬卒為塵粉

**國道者**

廬山雙溪院僧也國初參學攸廣愛廬山秀異卜築草舍灌園植蔬任人掬去不禁或問之曰貧道無心而種

隋

**法充**

姓畢九江人住廬山化城寺每勸僧眾無以女入寺上損佛化下墜俗謠不聽充歎曰正教不行義須早死遂于香爐峯自投而下誓粉身骨用生淨土後有人上峯頂路望下千有餘仞聞人語聲就而尋之猶活迎還至寺僧其死諫

嚴絕女踪  
開皇末卒

智光

江州人開皇十年敕召入京仁壽創塿召送循川途經許部舍利于輿忽放光明高出丈餘北至番州寄停寺內其夜銅鐘自鳴食時方止既達循州道塿寺天降甘露于塿邊樹上凝光曜日還京以法自娛晚厭談說尋還廬阜卒

智錡

姓夏侯豫章人住廬山造大林精舍又住西林寺兩處監護皆終其事然守志大林二十餘載足不下山隋文下敕召稱疾不赴後豫章請講亦堅辭之云吾意終山舍豈死城市未幾卒

慧雲

姓王太原人遠祖避地止于九江弱年樂道投廬山大林寺智錡出家慷慨時俗精厲歸從獨異恒倫

慧達

姓王襄陽人雲遊諸勝多所修造晚依慧雲遂止廬阜造西林重閣七間悉用黃楠構求幽險久乃得就後忽南斜取正無方忽有猛風北吹還正

九江府志

卷五十一

雜類仙釋

譚願誓文  
七十餘紙

唐

道暄

姓周汝南人隋開皇十二年依大將軍周羅暉遠屈廬岳止東林精舍心願匿跡無事音塵山寺法擁勸引非一遂不拒命宏道度人修建僧坊四時無絕隋季寇攘薦臻獎撫門徒如初不替貞觀二年九月身示有疾夜忽天星大墜翌日喚上座至委以後事跏坐而卒

諸殿閣門一時自開異香滿寺

道一禪師

漢州什邡縣人姓馬唐開元中習禪定于衡岳山中遇讓和尚密愛心印相傳一嘗寓馬祖山故有馬祖寺馬祖石馬祖泉馬祖洞云

香巖閑

道場在丫髻山寶巖寺初閑事百丈海以辯博聞海未其口不使置一辭涕泣辭瀉山去止南陽佛舍自分絕望于道矣他日嘗自芟草擲瓦礫擊竹有聲忽大悟歸禮瀉山

瀉山始  
首肯之

### 熙怡大師

姓曹桂陽人大厯五年躋五老峯構凌雲精舍為經行之處旁引泉竇以滌塵垢近躋松壑以求清涼丹崖雲岫勢若屏牖然趨風望景攀危輦重翼如而至者難以數計積十餘年乃止大林精舍杖履衣巾屏居一室行住坐卧無非道場貞元中歸東林戒壇院以為吾道已成吾教已十二年召門弟子曰吾隨化還須與寂滅

### 靈徹

與韋丹為忘形友丹為江西觀察使徹往東林丹以詩寄之曰王事紛紛無暇日浮生冉冉只如雲已為平子歸休計五老峯前必共聞徹酬曰年老心閒無俗慮麻衣草坐亦容身相逢盡道休官去林下何曾見一人丹與靈徹唱和詩什頗多韋序曰徹公近以匡廬七詠見寄皆麗絕於文囿七詠者蓮花峯石鏡虎跑泉聰明泉白虎洞鐵船峯康山廟也徹寄包侍御詩古殿山陰花木春池邊跂石一觀身誰能來此焚香坐共作廬峯二十人靈徹後不久亦去

### 祖可

蘇伯固之子養直之弟也常住廬山葛常云可詩多佳句如懷人更作夢千里歸路欲迷雲一灘窗間一榻篆煙碧

## 九江府志

### 卷五十一

### 雜類

仙釋

### 十四

### 神湊

姓成京兆監田人生而奇秀卅角出塵遠慕戒律志在楞嚴經行在四分律其他諸教餘力則通大厯八年制懸經論律三科策試天下出家者中等第方度湊應是選詔配九江興果精舍後從僧望移居東林寺有甘露戒壇白蓮池焉

### 法藏

姓周南康人釋齡爽俊始研尋史籍而于醫方明得其工巧同支法存之妙用焉有僧卧疾幾不起藏切脈處方信宿平復其僧多接談元自爾萌出塵之意年已長辭親受戒謁大寂禪師言喻若石投水翛然北下廬山登五老峯愛其靈異獨止寒林采橡栗掬溪澗聊延形氣而已數年有二仙乘雲而來終日談論由是道且馨香檀越共營一院寶厯中示滅年八十二其年四日入塔云

### 晝公禪師

未詳所自釋齊已有寄晝公詩聞君住彭澤結搆近窗中八月東林去吟詩菡萏風

南唐

若虛

隱于廬山南唐主累徵不就言老僧無能甯銷歸心若更相呼竄入深山矣乾祐中盛夏坐終身不沮壞

行因

受旨鹿門真抵廬山佛手巖下有石窟可三丈餘因宴處其中嘗有異鹿錦囊鳥馴擾其側南唐主三詔不起堅請

就棲賢開堂不逾月潛歸巖室一日微疾謂旁僧曰日午吾去矣及期下牀行數步屹然立化巖上有松一株同日枯槁

緣德

李後主建寺廬山石耳峯下延德主之開基日地中得金像大士賜名圓通宋曹翰伐江州以兵入寺德坐不起怒

曰而知有殺人不曉眼將軍乎德曰而亦知有不畏死和尚耶翰異而禮之凱旋以聞太祖詔賜號道濟寺名崇勝

宋

卧雲僧

太平興國時有僧入謁太宗問從何來僧曰廬山卧雲菴太宗曰朕聞卧雲深處不朝天何以到此僧無以對

護國和尚

住廬山僧問佛未出世時如何曰雲遮大海出世以後如何曰劈破鐵圍山

九江府志

卷五十一

雜類仙釋

雙溪田道者

嗣馮仰宗為南嶽五世孫住廬山

虎溪菴主

南嶽五世孫嗣隱居東林

常揔

嗣法黃龍南元豐初革東林律寺為禪庸王學士韶守南昌欲延寶覺心公公舉揔代揔不得已應命其徒曰遠公

常有識記吾滅七百年後有肉身大士革吾道場今符其語矣住東林十二年厦屋金碧照耀煙雲叢林之盛近古未有

自遵

正覺其名也住東林為南岳十三世法嗣

佛印

名了元浮梁林氏子遊廬山謁開先暹道者暹奇之以為真英靈衲子時年十九又謁圓通訥驚其翰墨曰骨格

已似雪竇後來之俊也命典書記江州承天虛席衲不可折也選郡將見而少之訥曰元齒少而德壯雖萬耆衲不可折也

居訥

梓州人初讀華嚴有省得法雲門後入廬山由歸宗遷圓通皇祐中仁宗使銀鑄小吏以綠娣尺書召住淨因院訥

稱疾不起薦大覺璉或問之訥曰學道貴知足守淡泊若以聲利自累何厭之有

大覺璉

居廬山巖棲澗飲二十餘載至今菴基猶存鐵船峯側

守端

白雲端穎悟不羣居訥一見自謂不及舉主承天寺大振宗風次遷圓通故號新圓通

大慧杲

九江太守朱公延說法于能仁而以圓通敦請住持三辭不獲因舉道顏長老補其處舊志云杲居廬山寶慶

寺與無垢唱和泉石多佳什

賢蓬頭

江州人瀉山真如和尚會中角立者見地明機鋒捷有超師之作住鄂州興國道大行示寂肉身不壞

慧圓

嗣法臨濟游廬山住東林貌陋眾戲侮之一日忽足顛而仆了然大悟作偈書壁曰這一交這一交黃金萬兩也合

消頭上笠腰下包清風明月杖頭挑即日離東林照覺聞之令人迹其所往竟無知者

法因菴主

遊方至東林謁慧一日舉靈雲悟道機語問之有契住匡山三十餘年不與世接

三眼禪師

住烏岡山耳峯巔與仙池女真高風幕山菴煉師兄弟也雖道術不謀而墳箴相和三峯高並炊共見煙

九江府志

卷五十一

雜類

十六

至今三眼靈異不衰山之南北禱雨輒應每歲中秋村人必以一雞縱之山頂了酬雨故事棲喙自如時隱時見

西風禪師

有識鑒駐錫鳳凰山下建普明寺一日過上廣福寺以錫卓池成井時有靈液遇旱禱之輒應

卯齋和尚

宋沙門善悟作傳其畧云初有異僧不通鄉貫姓名莫原其來夜禪于巖晨乞于村里人因目之為卯齋

和尚巖即今吳山泉巖泉有神名費聖師戒之曰遇有旱暵汝當霖雨後里人禱之應如桴鼓泉亦因師而重師出則虎

衛之歸則皆處于巖泊巢寇叛逆師若先見徧告于里有羣寇闖境聞吾搥鼓可掃迹而遁乃考石為鼓已而巢寇果至

環境無人遂與部伍窮澗谷獲一遺老詰其奔竄之由遺老直白其事冠于是使遺老為之道訪師于巖寇甫至師已坐

蛻虎亦隨逝寇怒馘師首投于水未幾溯流而上里人戴師如再造之恩斂其遺骸焚檀定兆約香止處為崇蘭若其煙

成穗西岡凝結不散因立院肖像祀之

法闕上座

南岳下法嗣住東林



卮菴

道顏 東林久參圓悟還蜀  
囑依 喜朝夕質疑方得大悟

賞賢

嗣大 秀法為黃龍南  
之孫 宋哲徽間住西林

慧朗

住廬山化城寺文益法嗣講經臺北有朗公巖相傳宴坐  
處也

鑒禪師

住化城寺嗣法雲門僧問佛法畢竟成得甚麼邊事鑒  
曰雲有出山勢水無投澗聲問如何是向上關楨子鑒

曰拔劍  
攪龍門

可遷

名真覺來廬山就巖而居三載始住圓通東坡嘗作詩訪  
之嗣法臨濟南岳下十三世孫也

懷賢

温州人居雪竇繼居金山之龍游熙甯三年劉述守九江  
以圓通召賢欣然從之工詩字所著咏頌文集凡五卷

道旻

倡道于廬山之圓通號旻古師崇甯三年賜紫其歿也天  
子賜葬大臣勒碑明崇禎初塔圯九江文徵君士宏卜修

焉視塔銘年月  
日時悉符前記

九江府志

卷五十一

雜類仙釋

十七

密印通慧

開法圓通南岳下十五世孫也

行機

字簡堂因看斫樹倒地忽然大悟郡守林叔達請主圓通  
講席開法數年歸者雲集

文雅

嗣臨濟宗開法匡廬慧日寺所著有禪本草繼至主席者  
有明禪師

承古

西川博學諸生也謁南岳雅雅許入室游廬山居宏覺塔  
院號古塔主後范仲淹守饒迎古主薦福寺

悟本

江州人妙喜法嗣也初參狗子無佛性一夕大悟趨方丈  
未及吐詞妙喜曰本鬚子這回曰本鬚子這回方是徹頭

元

崇裕

住圓通初緣德示寂累青石為塔語其徒曰此塔若紅卽  
吾再來暨圓機叟來鎮法席塔果紅色叟臨終復懸記有

三百年後大興佛事之識裕入院時眾夢叟  
至其塔又燎然有光自叟至裕適符其數焉

善學

號古庭林僧也久依寶覺簡講席簡深契之曰學上人  
可謂名實相副者矣自是名稱勃然出世薦福崑山越二

年歸東林專修白業謂同志曰慈雲淨土懺儀明白簡要五悔諸文皆出華嚴吾欲藉是生安養耳

### 中峯本

住東林趙子昂馮海粟皆與往來其作菴也二公為之躬運土木以執役云募建東林疏碑係子昂書今殘缺

殆甚猶存出木池壁間

### 悅堂祖閻

南康周氏子一日閱華嚴至惟一堅密身一切塵中現忽有省往見別山次見斷橋于言下頓悟久之歸

西林即嗣法雙林明禪師大德九年遷靈隱居四載說偈坐逝為南岳下二十世

### 無外宗廓

南昌魏氏子初參西林悅堂問溪聲盡是廣長舌機語相契遂承印記初繼席西林後遷雲居晚住東林

說偈而逝

### 明

### 覺顯

湖口沈住持也元末祝髮彭澤正覺寺修煉白龍巖後入廬山證道山頂祖師塢即明太祖所賜葬處也洪武初赤

## 九江府志

### 卷五十一

### 雜類仙釋

### 十八

脚赴闕言國祚上不報歸廬山因號赤脚僧又四年上患熱疾殆甚顯徐道人訪天眼尊者坐食頃周顛披草衣至天

眼曰所方今至尊所訪也命顯送藥服之病立愈詳見明高帝碑記中初與王奎善永樂中奎與耆民署縣事顯入

山久相傳已死時早奎詣廬山取水禱雨顯坐石上候之話舊甚懼且止奎宿書二符置壺中及衣帶問曰至縣雨急可

焚佩符寄于正覺寺設醮相謝以佛燈為驗後果如其言建醮之夕佛燈飛繞殿角望之如七星今觀音山猶存七星臺云

### 天隱

住廬山常抱疾有詩曰雨餘白石氣如炊濃綠陰中霽景遲經月未行菴下路樹禽引子去多時王禕守南康請住

兜率寺即他徙

### 惠定

永樂時結茅山居先建僧寮延雲水宣德間建佛殿像設鐘鼓藏經雲堂以至庖福無不備具將造大鐘三千餘斤

未成而逝知事性聰踵成之靈骨藏于下塢院尊宿塢中

### 恒哈穆

永樂間入廬山棲水簾洞語言都莫辨久之乃省世壽一百七十四

不佻道人

天順間居廬山石室題其壁曰一上一上上到匡廬

花滿地亂點鷓鴣斑洗鉢池邊浪生龍戲躍講經臺畔風嘯

去莫知所終云

智瑛

正統初住廬山雲溪寺嗣法臨濟死之日預報諸菴云吾

罷去既午疾風震雷掣茅墮瓦視瑛已遷化矣

智素

號靜菴嗣法雲溪瑛正德初結廬于赤脚祖塔之側曰林

傳布叢林柳邦傑序之

廣聰

號古拙濠梁譚氏子也徧參海內晚聞廬山靜菴和尚高

陀菴與泉石為緣潛修不出葛中憲寅亮易菴名曰火蓮院

九江府志

卷五十一

雜類

仙釋

十九

性空

山東人得觀法于廣西爽菴真愛廬山遂卜居焉今青龍

為僧範嘉靖丁巳建塔于祖師塔之東羅洪先為撰碑銘

了堂

號徹空手關寺踞廬山之中以黃龍潭得名堂初行玉屏

有緣羣鹿當徙翌日過其處不見鹿踪山勢環擁居然勝地

桐城吳中丞用先為造滲金昆盧像遶殿應真大士像精巧奇麗閣中龍藏錦袱牙籤琅函方整明神宗皇母慈聖皇太后所賜也

仁敬

號恭乾金竹坪千佛寺開山僧也吳國倫明卿鄧以讚定

式廓遂成巨刹慈聖太后遣使致香送滲金佛像奉安藏堂

法船

寶坻人初出家遇睡僧懈融開示念佛後徧參宗門歷主

大小精舍四十餘處六時念佛以船為宗臨逝跏趺坐說偈曰

吾年六十七世緣今已畢一心念彌陀西方在咫尺

無學

九江陳文初也其祖舉乙酉孝廉其弟乳初辛卯領解文

初自幼伉俠恥與俗子腐儒共食棗棧奮志披染死後茶

慧燈

毘棄之江忽放寶光江水湧起遂成一洲謂之無學洲廬陵

青原諸志載之甚詳

海賢

廬山愛東林居之見遠公所遺千僧鍋埋沒荆棘中心傷

之乃迎三昧律師入主東林宣講大戒遠近從風遂開鍋飯

僧叢林大振發願建造無梁神運殿焚頂供眾腦骨迸落更

燃一指衆咸心感施助金錢委積如山晝夜號佛鳴榔長與

三昧寂光

身等辛勤建築無梁磚殿甫成復墮沮志出山將謀再構遂

九江府志

卷五十一

雜類

仙釋

二十

之請戒晚寓金陵預

一如照真

定時日端坐而逝

新真有七願碑文永

石琳

誓西林爲十方院

德清

名寂玉初師慧燈後參天通磬山歸隱漢陽峯北三十年

全椒人號憨山隆萬之間禪宗如綫清與達觀同時以無

守心上人

禪院肉身墮于此爲曹溪迎去著有于便語大學決疑莊子

影響說夢遊全集

苦行深千禪理由行脚來觀音山駐錫數十年與彭

澤王演疇善王有懷守心詩曰郭外招提境最幽安

禪猶以壑藏舟山憐支遁淹行脚石悟生公爲點頭諭筏不

曾分四眾留衣未許擅千秋白蓮重發應開社計日東林續

遊舊

法迦

號而白善詩翰嘗見知于山陰王遂東及彭澤喻心如劉觀歆與結詩社有芥園集詩

遠三禪師

彭澤縣高氏子也幼入空門性聰慧通內典修持于城北觀音閣四方高僧多諮訪焉一日薄暮有行人

過山麓遇鬼崇搏擊幾危適遠三來聞眾建塔道旁塑像祀之矣遂避去其人獲甦後師坐化邑眾建塔道旁塑像祀之

湛虛

姓段名希謙湛虛其法名也幼嗜佛既冠餽于庠累試不第又艱子嗣崇禎間遂棄家構月波亭于山隙而銘之有

宗風徧野目擊而存之句自署靈墅道人尚書李長庚都督劉僑計偕北上嘗與語于維揚旅次輒驗二人異之後過訪

至亭題光明藏而去國初徧遊名山不知所終

覺浪盛

明崇禎間住圓通三載結居于寺之東曰雞鳴菴黃端伯相依晨夕夜話因緣千載不斷國初盛西堂竺菴

大成入主法席未幾他去鐘板寂然近有雪堂行耜不厭荒涼重開鑪鞫浪丈人之風規庶幾再見矣

國朝

九江府志

卷五十一

雜類

仙釋

二十一

修遠

號石照吉州人苦志出家博通三藏經旨不明燃指為誓徧叩諸方而後嗣法于若昧和尚著有楞嚴正眼華嚴

法華金剛圓覺皆有注疏惟識起信諸論解釋並刻行於世蘆林陸寓航其隱修處也

最弱

號石生德安蔣氏子也十二歲自白父母求度披染于石隱清涼公二十一秉戒雲棲徧參諸方以宏教利生為念

遂就若昧受具焉入閩聞其名迎請開善寺說法傳戒聚眾千餘指所著有法華別楞嚴元辰金剛圓覺心經拈及宗山

語石隱詩共若干卷皆梓行于閩國初應講黃漢間畧示微疾跣跌而逝靈骨仍歸匡山建塔于石隱之巔其狀貌奇

偉眉宇蒼然世指為達摩再出客有請贊初祖圖者援筆題曰人說我似你我說你似我除却你我心無可無不可

埋菴

杭州人禪林尊宿游廬山愛遠公白社儻居上方塔別去其剃度弟子朽木施茶九江數年惻然念江上往來禪門

絕少接待手關荒藪建立普潤菴雲水游踪得依憩息勤修勝臬可謂不負良師者矣

古窳繼起儲禪師法嗣也住西林三載宗風大振修葺堂次第完備元歿葬寺西與照覺揔塔峙立如雙玉柱

妙光

九江謝氏子幼業漁晚投孤山白泉寺為僧禪誦精勤誓

念佛入坐聲響清越命僧舉火火不即燃手自灼紙取焰煙

秀恒

楚僧參雲居顯禪師得契宗旨旋辭赴九江放生十有六

年生平不設牀榻硬坐如枯椿一日宴處小閣見三童引

大拙

湖口柳氏子得法于水陳恣主曹溪方丈近十年宗風大

明成

字雲籽玉琳瑯孫菴法嗣俗姓陳瑞昌人肆力禪宗不

憚堅苦後遂有心得藩司許兆麟訪焉與談終日戲謂曰

寺類矣和尚何處安身立命曰處處都是然嘗力關榛棘寺

博凡

名本可姑蘇人俗姓馮母高氏嘗夢僧投宿而娠襁褓中

九江府志

卷五十一

雜類

仙釋 一二十二

喜跌坐凡見僧即合掌年二十禮慈雲老宿薙髮後秉具

于三昧律師四十六歲直造天童宏覺國師乃蒙契證康熙

密行

號莪山德安縣閔氏子薙髮于岷山紫輝寺參學徧名剎

道行精進雲居道綸和尚付衣鉢焉廣濟縣令劉臨啟請

重本

號一木安邑周氏子年十齡即志切空門登本里岷峯禮

莪山薙髮廿歲參方時莪山主席雲居本往省方丈發志

入堂至三旦夕無所得及夜半以破磬機緣頓爾了徹自後

悟徹

號留雲德化人少祝髮于廬山彌勒堂性聰慧工詩畫淡

泊介靜敞衣疏食晏如遇文墨人敬禮劇談無倦色而

尤戒律精嚴主錫西林寺方丈七載著有閒草詩本徒孫衣

能守其法教時為能仁寺主錫

佛定

瑞邑人有五子俱成名康熙十七年年五十餘過石塔寺見素菴悅之皈依受戒焉越五年其子跪接不歸遂買化邑宋家壠山一座結菴名曰靜音置田地山場以備香火鑄石垂不朽焉

超空

字隱微號仲杲海陽人妙年祝髮早悟道心為宏覺道忝國師嫡孫本可法嗣初開楚武穴棲賢禪院晚住廬山西林寺刊有兩會語錄石香詩集太守朱儼作記法子知音亦有語錄並雲香詩集

續編

石舟

化邑甘棠湖中煙水亭住持僧性沈靜愛幽閒工畫喜潑水墨蘭竹其絕技也士大夫出紙索畫興到援筆揮灑自如染紙成趣晚年筆力尤健簡淡入古故筆墨之役益數僧寮幾為鐵門限矣矚其徒雪松曰此亭落於湖中四面開軒明窗淨几雲煙風月足供清玩非雅人不能領之陶寫性情琴書而外是宜畫畫之最難入妙者莫若蘭竹予於此事近四十年矣粗能應酬于是雪松遂易蘭竹而畫梅閱數年功有進石舟曰予筆墨役可卸矣一日打包雲游往來江浙閩

九江府志

卷五十一

雜類

仙釋

粵間杳不知其所終邑中有客游數處者尚聞其名得畫幅藏之如拱璧

禪林

德安城隍廟僧與其師皆楚人先避匪至遂卓錫焉平居粥粥無能掃地焚香外無他事亦不與市人跡往來咸豐四年七月間賊氛警逼豫舁神像于邑西大明寺得無恙廿九日城破賊至廟禪林與其師奪賊械交背殺敵門且走賊亦勢却遇大股至圍殺於廟側

應時

赤山菴僧不知所自骨相權奇生平無情容坐立必恭喜醫來者與藥與方迎診者屏輿馬杖藜往視訖即反飲食酬謝皆受諳內典愛與文士游清談娓娓竟日不倦粵逆擾縣境寺觀應懼移神像山巖複壁中朝暮焚香誦經侑食如平時雖雨雪不易云

唐

閩 宋

江州人唐貞觀十四年為蒲州刺史後棄官隱中條山至十九年復召為吉州刺史後請為道士賜曰遺榮出

蒲州府志

南唐

譚紫霄

道士泉州人也與陳守元相善事王昶封正先生閩亡寓廬山棲隱洞其徒百餘人有道術醮星宿事黑煞

神君禹步魁罡禁阻鬼魅讓祈災福頗知人之壽夭武昌軍節度使何敬洙寵婢獲怒置井中死人無知者建隆初敬洙遭疾召紫霄中夜披髮燃燈靜室見女厲自訴為崇之由紫霄詰旦具言之敬洙曰信然乃丹書符送之敬洙即愈有僧于溪澣初亭苦大石橫直累工不能卒紫霄往見曰斯固易也因以指捻訣含水噴之命鎚其石應手如粉後主聞之召至建康賜之道號階以紫金皆讓而不受凡所獲醮祭之地轉以給四方賓旅金陵既下紫霄無疾卒人謂之尸解莫知其壽筭歸葬之日有祥雲白鶴盤繞送之出馬令南唐書

九江府志

卷五十一

雜類

仙釋

一二十四

金道隱

李回庵諱堡庚辰進士為永歷御史彈孫逆廷杖數十責戍金齒國主後為僧號澹歸隱廬山宗寺

孫 晟

初名鳳又名忌密州人也好學有文辭尤工于詩少為道士居廬山簡寂宮嘗畫唐詩人賈島像置于屋壁晨

夕事之簡寂宮道士惡為妖以杖馭出之後于元宗朝仕至司空出使于周被殺出馬令南唐書

許 堅

不知其家世形陋而怪寓廬阜行吟自若幘巾芒屨短襪至昏亦會齋裝唯自負布囊常括不解每沐浴不脫

衣就浴澗出而曠之或問其故則言天象昭布雖白晝亦常參列人自昧之爾其可裸裎乎堅癖嗜魚或得大魚則全體而烹不醢鹽熟即啗之遊漂陽下山寺吟詩曰地枕吳溪與越峯前朝恩賜雲泉額竹林層建雁墀高石室幽棲幾禪伯荒榛蕪沒蒼苔深古地香泛荷花白客有經年說二林落日猿啼情呱呱舊與樊若水相善若水北度後因轉輓于江南遇堅于簡寂觀勉之以仕則輦蹙不答堅嘗至陽羨人不知其識一曰涉西津凌波澗步若平地然衆方神之不知其所

南唐書